



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

5. Quàm raræ & paru[a]e pœnite[n]tiæ nunc à peccatoribus peragantur?

urn:nbn:de:hbz:466:1-45701

men insuper oportebat illam vacare ieiunio, & orationi, & de manè psallere, vespertinamq; & matutinam glorificationem quotidie peragere: præterea autem nec Horarum, que vocantur, ullam pretermittere. 3. Noctu cùm somno & mediocri quiete corpus reficere oporteret, pectus palmis pulsans, flensque dicebat: Condonam hi peccatum, Domine, quod perdidit decus mea continentia. 4. Vbi in schola virtutum paululum profecit, semel tantum in die; postea secundo quoque tantum die, cibum sumebat; tandem tantum semel in hebdomade, comedebat. 5. Præter hæc obtinuit, per fratrum petitionem, ut cilicio quoque corpus astringere liceret.

Quando eiusmodi exempla lego, planè contremisco, nec immerito & alij cohorrescunt, qui sapientius, grauiusq; longè, immò millies in DEVM peccauerunt? & quid pro tantis debitibus D^O reddunt? Opera satisfactionis (quæ est pro D^I offensa debitæ pœnæ voluntaria professio) sunt orationes, & omnes animi affectus, corporisque motus, qui ad D^I cultum pertinent; item eleemosynæ, hoc est, omnia spiritualia & corporalia misericordiæ opera; itemque jejunium, seu quælibet corporis afflictio & tribulatio, pro divino honore voluntariè tolerata. Hæc omnia quām copiosè fecit Theodora? At quām nos facimus parcè? Labores etiam jucundos fugimus. Abiecta & seruilia facere, injuriam putamus, quasi Devs non humiles potius respiciat, quām superbæ authoritatis seruatores. Olim reges & reginæ hospitalia adibant, & præcipuz matronæ ægrotis, captis, egenis cibos offerebant, lectos sternebant, vulnera obligabant. Quām rari nunc sunt tales? Quid dicam de jeuniis, quæ paulatim omnino abolentur; aut certè, ne famem sentiant, multi ebrietate quotidiana impetrant? Orationes, cilicia, reliqua corporis asperitates, genuflexiones, humicubationes in tantam desuetudinem venerunt, ut multi ne orare quidem rectè, & cum gustu sciant; multi loco orationis, in templo, noua legant, gariant, puellas tamquam idola, contemplentur; cilicia sape, in tota ciuitate aliqua, sint nulla; flagella & huiusmodi mortificationes, ad solos Religiosos pertinere existimentur. At cur illi, qui peccauerunt & peccant minus, puniantur magis? nimirum

v.

quia

642 Cap. LIX. Magnos pœnitentes magnis tentationib^o obnoxios esse.

quia isti cum Theodora magis solliciti sunt pro vno delicto, quām
vani & sua salutis obtici homines pro toto cumulo flagitorum.
Neque sanē sine fructu, quia pīj & pœnitentes hīc suūm habent
Purgatoriū; impīj, hīc suūm cōlūm, vt in Inferno postea luant,
& ferant, quod, sine fine, in æternūm sunt passuri. Prudentes
dant operam, vt in via ab aduersario liberentur. Imprudentes
in futurūm differunt omnia, quia malunt Epimēthei, quām Pro-
methei esse; seram pœnitentiam acturi, & sempiternam.

Lue. 14. 58.

VII.

Lue. 9. 39.

Lue. 14. 62.

Magna erat pœnitentia Theodoræ, de qua dixi, sed corpo-
ris potissimum: longè grauiora in animo pertulit; tentationes
scilicet, quibus eam Tartareus insidiator acerrimè oppugnauit.
1. Alexandriam missa cum camelis pro oleo aduehendo, mari-
tom in via obuium habuit, identidem tristissimè plorantem, &
quōd tamē amisisset uxorem, & quōd timeret, ne alium virum
esset secuta, cuius rei sciendæ gratiā Deum enixè rogauerat. Ita-
que per Angelum monitus est, vt manè surgens ad D. Petri tem-
plum iret, atque primi, qui ei accurreret, vultum etiam atque
etiam consideraret. Iuit, & Theodoram obuiam habuit, sed
eam, ob virilem habitum, & incredibilem vultū mutationem,
penitus non agnouit. Nouit tamen illa virum, & protinus sui
in eum amoris & peccati recordata: *Hei mihi*, dixit, *o marite, ad*
quantos me labores tradidi, dum mei in te delicti quaro medicinam, &
ſudeo multis illud delere lachrymis? Ita secum locuta, ad eum ac-
cessit, & cūm ei *Salve* dixisset, magnā sui victoriā, confestim præ-
teriit, quasi eum numquam vidisset. Quid putemus tunc pugnē
in illius animo fuisse? Redeundi ad coniugium, an ad cœnobium
magnæ erant vtrimeque caussæ. Sed vicit amor pœnitentiæ, quæ
victoria tantò est illustrior, quia multi pœnitentiam agerent, &
verò agendum censem, sed manum ad aratum applicantes re-
spiciunt retro, & volunt priùs patrem & matrem ſepelire, quām
Christum sequantur, quibus Christus ait: *Si quis venit ad me, o*
non odit patrem suum, & matrem, & uxorem, & filios, & fratres,
& ſorores, adhuc autem & animam ſuam, non potest meus esse di-
pulus. Et hæc quidem tentatio ei à marito obuenit, non sine di-
uina voluntate constantiam eius probante. 2. Altera ab ipso
monasterij Praefecto, qui videns eius vitam Angelicæ parentem,
obedien-

4110